

ԶԵՅԹՈՒՆՑԻՆԵՐԻ 1895 Թ. ԱՊՍՏԱՄԲՈՒԹՅԱՆ 100-ԱՄՅԱԿԸ

Պատմ. գիտ. դեկտեմբ. 2. Մ. ՊՈՂՈՍՅԱՆ

Կիրիկիայի հայկական թագավորության անկումից հետո դաշտային վայրերում ապրող հայ բնակիչների մեծ մասը սկսեց հեռանալ երկրից կամ բարձրանալ Տավրոսյան լեռները։ Նրանց մի մասը շարժվեց դեպի Զահան (Պիռամես) դեպի լեռնահովիտը և հաստատվեց այնտեղ, իրենց նոր բնակավայրին տալով Զեյթուն անունը։ Գյուղաքաղաքի մոտ գտնվող Պիրիտ լեռը հարուստ էր երկաթով, որից բնակիչները պատրաստում էին գյուղատնտեսական գործիքներ, կենցաղային իրեր և դեմքեր։ Նրանք միաժամանակ ծծմբի և ածուխի համապատասխան խառնուրդից վառող էին պատրաստում։

Այսպես Զեյթունի բնակիչները դարձան շարունակ ապրեցին կիսանկախ կյանքով, չնայած գտնվում էին օսմանյան պետության սահմաններում։ Մարաշի թուրք փաշաները բազմաթիվ անգամ ցանկացան իրենց ենթարկել Զեյթունը, սակայն նրանց այդ շահողվեց։

1862 թ. հերոսական ապստամբությունից երեք տարի հետո՝ 1865 թ. ղեյթունցիները ստիպված եղան ընդունելու թուրքական առաջին կայսերականին և մնացած պաշտոնյաներին, որով էլ վերջացավ նրանց կիսանկախ վիճակը։ Բայց լեռնականների պայքարը թուրքական բռնակալության դեմ շարունակվեց նաև հետագա տարիներին։

1895 թ. Զեյթունում պետական պաշտոնյաների հարստահարությունները հասել էին անասելի չափերի և այդ հողի վրա սկսեց հասունանալ պոռթկում ընդդեմ թուրքական բռնության։ Բացի դրանից, ղեյթունցիներին հայտնի դարձավ, որ սուլթան Աբդուլ Համիդի հրամանով պատրաստվում են հայերի մասսայական կոտորածներ նաև Զեյթունում։

1895 թ. օգոստոսի վերջերին Զեյթունում տեղի է ունենում ազգային ժողով, որը որոշում է գյուղաքաղաք փոխադրել շրջակա գյուղերի բնակիչներին և ապստամբել՝ դիմել ինքնապաշտպանական կոմիտեների։ Սկսվում է կռիվ նախապատրաստվելու մի տենդագին շրջան։ Կուտակվում է վառող, արձիճ, և կայծքար։ Շուտով թուրքական բանակը Մարաշից շարժվում է դեպի Զեյթուն և կանգ է առնում Զահան դեպի ափին, Բերդիս Չալի մոտ։ Լեռնականները որոշում են անցնել գետը և հարձակվել թուրքական զորքի վրա։ Նրանք այդպես էլ անում են։ Սակայն հաջողություն չեն ունենում և վերադառնում են Զեյթուն։ Ճանապարհին կտրում են հեռագրաթելերը և խզում են թուրքական զորանոցի և Մարաշի կապը։ Ապա պաշարում են թուրքական զորանոցը և ցանկանում են գրավել այստեղ եղած զինամթերքը։ Նրանք գրավում են 80 զինվորներով պաշտպանվող թուրքական կառավարչատունը։

Զորանոցի 600 զինվորներն ու սպաները անձնատուր չեն լինում։ Լեռնականները կտրում են դեպի զորանոց եկող ջրատարը, ապա մի քանի օրից հետո նախ չեն լցնում զորանոցի պարիսպներին և սկսում են այրել այն։ Եղած աղբյուրները հավաստում են, որ կառավարական զորքերի զինվորներն ու սպաները կատաղի դիմադրություն են ցույց տվել զինված լեռնականներին։

Զեյթունի բնակիչները որոշում են տեղական արհեստավորների միջոցով պատրաստել անիվների վրա դրված երկաթյա վանդակներ, որոնք կպաշտ-

1 Ս. Բյուրատ, Զեյթունի վրեժը, Կ. Պոլիս, 1911, էջ 234։

պանեին մարտիկներին գնդակներից, ապա շարժվել դեպի զորանոցի պարիսպները, անցք բաց անել նրանց վրա և ներխուժել զորանոց, սակայն այդ միջոցին դիմելու հարկ չեղավ, քանի որ թուրքական կայազորը, իր հրամանատար Իֆֆետբեյի հրամանով, 600 զինվորներով և սպաներով անձնատուր է լինում։ Ապստամբների ձեռքն է անցնում երկու գերմանական հրանոթ, 170 ռումբ, 600 հրացան, 120000 փամփուշտ, 2 տակառ վառող, սննդամթերք, 6 ջորի, 3 ձի և մեկ դեղատուն²։

Զորանոցի գրավման լուրը անմիջապես հայտնի է դառնում ողջ հայությանը, հասնում է Ռուսաստան, Եվրոպա և այլուր։ Սակայն թուրքական իշխանութիւնները ամեն զեղում աշխատում էին արտասահմանյան թերթերում տպագրել հոգովածներ, որոնց մեջ խեղաթյուրվում էին Զեյթունում կատարված իրադարձությունները։ Այսպես, Կ. Պոլսից „National Zeitung“ լրագրերին ուղարկված մի հոգովածում ասվում է այն մասին, որ թուրքական զորքերին հրամայված էր չկրակել հայերի վրա և այդ հեշտացրեց զորանոցի գրավումը։ Հոգովածում գրված է. «Պահապան զորքը 400 հոգուց էր կազմված։ Սակայն զինվորները հրացան չէին արձակում, թեև ձեռքի տակ 120 արկղ ունեին փամփուշտներով լի, որովհետև հրաման էին ստացել՝ հրաշունչ զենքեր չգործադրել»³։ Այնուհետև ասվում է այն մասին, որ հայերը մտան թուրքերի տները և սկսեցին կողոպտել և նրանց կանանց ու երեխաներին կոտորել։ Ահավոր սուտ, քանի որ Զեյթունում առհասարակ թուրք բնակիչներ չկային։

Զորանոցի գրավման օրվա մասին կան տարբեր կարծիքներ։ Ս. Բյուրատր նշում է, որ այն գրավվեց հոկտեմբերի 14-ին։ Տ. Գևորգյանը և Հ. Ահարոնյանը գտնում են, որ գրավվել է հոկտեմբերի 18-ին։ Գ. Գալուստյանի կարծիքով այն գրավվել է 17-ին։ Հայաստանի պետական արխիվում պահվող մի վավերագիր պարզում է հարցը։ Վավերագիրը դրված է 1895 թ. հոկտեմբերի 27-ին, այն Զեյթունի հասարակության դիմումն է Մերսինի անգլիական հյուպատոսին, որը ժամանակին մենք հրապարակել ենք։ Այնտեղ ասված է, որ զորանոցը պաշարվել է հոկտեմբերի 16-ի առավոտյան և 60 ժամից հետո գրավվել է⁴։ Այս նշանակում է, որ զորանոցը գրավվել է հոկտեմբերի 18-ին, կեսօրից հետո։

Այդ նույն ժամանակ թուրքական իշխանութիւնները իրականացրին Մարաշի հայերի կոտորածը, որին զոհ ընացին մեծ թվով անմեղ բնակիչներ և հսկայական նյութական վնաս հասցվեց տեղի հայերին։ Այդ ջարդին մասնակցեց ոչ միայն գրգռված թուրք խումբանը, այլև կառավարական զորքը։ Հրդեհվեց և ավերակների վերածվեց Զեյթունի Դերե հայկական թաղը, որը կոչվում էր նաև «Քյուլուկ Զեյթուն»։ Զարդի ականատեսներից մեկը թուրքական բարբարոսների կատարած այդ ոճրի մասին գրում է. «Շատերը խող-խողեին, ոմանք միմյուր ետեհն կտրեցին, ուրիշները հրացանազարկ ընելով կրակի մեջ ինտեղին, ոմանց այ փախչելու պահուն գլուխը տապարով ջախջախեցին և հոր ինկավ, փախ ճեղքելու պես շերտ-շերտ կտրեցին։ Թուրքերը ահա այսպես մեռուցին քրիստոնյաները, այսպես վարվեցան այդ անգութները»⁵։

Հայեպի ուսական կոնսուլ Մ. Ի. Յակիմանսկու տվյալների համաձայն Մարաշի սանջակում քաղաքանդ արվեց 75 գյուղ, այրվեց 2327 տուն և սպանվեցին 6630 քրիստոնյաներ։ 1895 թ. հոկտեմբերի 13-ին Մարաշում սկսված ջարդը կրկնվեց հոկտեմբերի 15-ից մինչև 18-ը և շարունակվեց

² Նույն տեղում, էջ 375։

³ Տ. Գևորգյան. Սանտոն, Պատմություն Զեյթունի 1895-ի պատերազմներում, Բ մաս, Փարիզ, 1946, էջ 28։

⁴ «Արձագանք», 1895, № 128։

⁵ «Բանբեր Հայաստանի արխիվներին», 1963, № 3, էջ 76։

⁶ Զեյթունի պատմագիրը. Պոնոնոս Այրես, 1960, էջ 677։

մինչև նոյեմբերի 6-ը: Սպանվեցին 823 հայեր, որից 447-ը կաթողիկոսներ և լուղոբականներ, բանվածեց 200 և թալանվեց 1543 տուն, 8000 հայեր մնացին անօթևան⁷:

Այս բոլոր իրադարձություններից հետո Մուստաֆա Ռեմզի փաշան՝ հունական տղաբային ազատագրական շարժումները ճնշողներից մեկը, մեծ բանակով շարժվեց դեպի Զեյթուն և կանգ առավ Ջհան գետի ափին: Այդ օրերին թուրքական իշխանավորների և կրոնավորների հայատյաց քաղաքականության և պրոպագանդայի շնորհիվ սկսվեցին թուրքական խուժանի հարձակումները հայկական գյուղերի վրա: Այսպիսով գավառակի բնակիչները ստիպված էին կռվել և՛ կառավարական զորքերի, և՛ թուրք խուժանի դեմ: Այդ հարձակումներից խուսափելու նպատակով Զեյթունի շրջակա գյուղերի բնակիչները ստիպված թողնում էին իրենց բնակավայրերը և ունեցած-չունեցածով տեղափոխվում էին Զեյթուն: Նրանց հեռանալուց հետո թուրք ջարդարարները շատ կարճ ժամանակի ընթացքում ավերակների և մոխրակույտների էին վերածում այդ վայրերը:

Նոյեմբերի 27-ին Ռեմզի փաշան Մարաշի հայերից մի պատվիրակություն է ուղարկում Զեյթուն և կառավարության անունից առաջարկում է պենքը վայր դնելու դեպքում ներում շնորհել նրանց, պայմանով, որ նրանք հանձնեն ապստամբության ղեկավարներին, զորանոցի մեջ հաստատեն թուրք զինվորներին, վերադարձնեն գրաված գեները և հրանոթները: Չհավատալով նրանց, լեռնականները մերժում են այդ առաջարկները:

Այսպիսով, այդ օրերին մեծ թվով հայ բնակիչներ կուտակվեցին Զեյթուն գյուղաքաղաքում և Ֆռնուզ գյուղում: Թուրքական բանակի ուժերը Ռեմզի փաշայի գլխավորությամբ շարժվեցին դեպի Զեյթուն, իսկ Ալի բեյի ուժերը՝ դեպի Ֆռնուզ: Երեք օր է տևել Ֆռնուզի պաշտպանությունը: Շուտով պաշտպանների մոտ սկսում է սպառվել զինամթերքը: Նրանք ճեղքում են պաշարման շղթան և շարժվում դեպի Զեյթուն, իսկ մնացած մասը տեղավորվում է գյուղի մոտ, լեռների ծերպերում: Դեպի Զեյթուն շարժվող բնակիչների վրա մի ձորում հարձակվում են թուրքական բանակի ուժերը և բաշխողովները, որոնք սպանում են 600 երեխաներ, կանայք և աղջիկներ, իսկ 400 հոգու գերի են վերցնում: Այդ ծանր օրը ռշատ մը կիններ և օրիորդներ, շուգնով վավաշոտ գազաններու ձեռքն իյնալ, բարձր ժալոբրու վրայն ինքզինքնին վար հետեւելով անձնասպան եղանակով Մ. Ի. Յակիմանսկու տված մի զեկուցագրի համաձայն Ֆռնուզի շրջակայքում քարոքանդ եղավ 18 գյուղ, այրվեց 516 տուն և սպանվեցին մոտ 4000 քրիստոնյաներ: Միայն բաշխող-զուկները իրենց հետ տարան հազար գեղեցիկ տղաներ և աղջիկներ, այդ պատճառով էլ, երբ սկսվեցին բանակցությունները Զեյթունում, լեռնականները թուրքական կառավարությունից պահանջում էին այդ արարքների համար պատժել գնդապետ Ալի Բեյին, սակայն Բ. Դուռը նրան տալիս է բրիգադային դեներալի կոչում⁸:

Ֆռնուզի անկումից հետո Ռեմզի փաշան դեկտեմբերի 14-ին սկսեց բանակը ավելի մոտեցնել Զեյթունին, որի բնակիչների թիվը հասել էր 25 հազար մարդու, որոնց և 600 թուրքական զորիներին նրանք պետք է կերակրեին: Այդ ծանր վիճակի մասին նրանք հոկտեմբերի 27-ին գրեցին Մերսինի անգլիական հյուպատոսին և խնդրեցին իրենց հարցը բարձրացնել եվրոպական պետությունների առջև, գտնելով միաժամանակ, որ աշխուհետե մեր և թուրք կառավարության մեջ ինքնին միջամտություններ ընել, համաձայնիլ անկա-

⁷ Архив Высшейшей политики России (АВПР), ф. II-во в Константинополе, д. 1142, л. 45.

⁸ Մ. Վարժապետյան. Հուշեր Զեյթունի. Մարզպան, 1912, էջ 170: Սմբատ Բյուրատ. Զեյթունի վրեժը, էջ 532 և 535:

⁹ АВПР, ф. полит-архив, д. 229, л. 59

րելի դարձած է, մեր բնակարանը, մեր վայրը պատերազմական ասպարեզ դարձած է»¹⁰։

Ռեմզի փաշայի բանակի առաջխաղացումը դեպի Զեյթուն ստիպեց լեռնականներին ավելի ուժեղացնել քաղաքի պաշտպանությունը։ Զինվեցին բոլոր զենքի ունակները։ Կանանց մի մասը զբաղված էր կովողներին մթերք, վառոդ հասցնելով։ «Զեյթունցիք սակայն խուճապի մեջ չէին, զի անմիջական վտանգ չկար, ոչ ալ զվարթ խանդավառության մեջ, որ տեղի կունենար, երբ վտանգը կանհետանա, այլ այն հանդիսավոր հուզումը, զոր մարդ կըզգա, երբ կը մեկնի դեպի մեծ անժանոթը»¹¹։

1895 թ. դեկտեմբերի 15-ին տեղի ունեցավ թուրքական բանակի և ապրատամբների հանդիպումը Զեյթունից ոչ շատ հեռու գտնվող Սանտոս կիրճում։ Հստ իտալական հյուպատոս Հենրիկոս Վիթոյի գրքում բերված տվյալների այդ վայրում թուրքերը ունեին 20 հազար զինվոր, որի դիմաց կանգնած էին 5000 զեյթունցիներ։ Այդ ճակատամարտի ժամանակ թուրքական բանակը կռվի դաշտում թողեց 1000 դիակ¹²։

Ճակատամարտից առաջ լեռնականները երդվում են մինչև արյան վերջին կաթիլը կռվել թշնամու դեմ ու չնահանջել։ Նրանք այդ հարցը դնում են քվեարկության։ Այդ մասին «Զեյթունի պատմագրքում» կարդում ենք. «Ով որ մեր սիրելի Զեյթունի բարձր անվան և ով որ ազգին ու հայրենիքին սիրույն մեռնել կուզե, զենք թող վերցնե։ Ամենքն էլ առանց բացառության ձեռք վերցուցին»¹³։

Այդ ճակատամարտում լեռնականները զինված էին «Մարտին» տիպի, իսկ մի մասը՝ իրենց տեղական, կայծքարերով հրացաններով։ «Մարտին» տիպի հրացանները նրանք ձեռք էին բերել զորանոցը գրավելու ժամանակ։ Թուրքական բանակը չէր էլ մտածում, որ լեռնականները կդիմադրեն և հաղթական շարքերով առաջ է շարժվել, սակայն զինված զեյթունցիների կրակոցները նրանցից շատերին գետին են փռել։ Օգտագործելով իրենց ուժերի գերակշռությունը, թշնամին կարողանում է շրջապատել զեյթունցիների ջոկատը, որին, սակայն, հաջողվում է շատ քիչ զոհերի գնով ճեղքել թշնամու շրջթան, դուրս գալ պաշարումից և դիրքեղ գրավել Փիսիր լեռան գագաթին և զորանոցում։ Շատ շանցած նրանք դուրս են գալիս զորանոցից և հարձակման են անցնում արշավող բանակի դեմ։ Թշնամին ետ է վանվում գրաված դիրքերից, թողնելով մի թնդանոթ և զգալի թվով սպանվածներ։

Այս օրերին թուրքական բանակի գերիները որոշում են հրդեհել քաղաքը և հեռանալ Զեյթունից։ Լեռնականների մարտիկները գտնվում էին կռվի վայրում և քաղաքում մնացել էին կանայք։ Նրանք սկզբից հրդեհում են կառավարչական տունը, տեսնելով այս, Զեյթունի կանայք զինվում են կացիններով, թրերով ու այլ իրերով և հարձակվում են քաղաքը հրդեհել ցանկացող թուրք զինվորների վրա։

Թուրքական բանակը Սանտոսի ճակատամարտից հետո շարունակում է իր արշավը դեպի Ֆոնուզ գյուղաքաղաքը։ Նրանք սկսում են հրանոթներից արկեր արձակել քաղաքի վրա։ Սակայն լեռնականների կանայք և երեխաները թաց շորերով փաթաթում էին չպայթած արկերը, ապա տուն տանելով զգուշությամբ հանում էին նրանց մեջ եղած կապարն ու վառողը և օգտագործում։ Ֆոնուզի հետ հաղիվները մաքրելուց հետո Ալի բեյի բանակը ուղղություն է վերցնում դեպի Զեյթուն։ Լեռնականները ստիպված իրենց ուժերի մի մասը ուղարկում են նրա դեմ կռվելու։

Ռեմզի փաշան լեռնականներից պահանջում է անձնատուր լինել, սակայն նրանք դեկտեմբերի 22-ին հարձակվում են թուրքական ուժերի վրա

10 «Բանբեր Հայաստանի աքիդներին», 1963, № 3, էջ 76։

11 Տ. Գևորգյան, Սանտոս, մաս Բ, էջ 57։

12 Նույն տեղում, էջ 122—123։

13 Զեյթունի պատմագրք, էջ 574։

և կոստորած սարքում, որից հետո գազազած հրամանատարը հարձակման հրաման է տալիս: Ջեյթունցիները ամրացել էին զորանոցում և գերլարված ուժերի գնով պաշտպանում էին այն: Դեկտեմբերի 27-ին նրանք ստիպված այրում են զորանոցը և նահանջելով նոր դիրքեր, գրավում քաղաքում: Սակայն ձմեռը սկսվել էր և տավրոսյան լեռներից փչող ցուրտ քամին դժվարին դրություն առաջ է կանգնեցնում կովող կողմերին: Թշնամու երկու բանակները նոր ուժեր են նետում մարտի և ցանկանում են օր առաջ գրավել Ջեյթունը, բայց հաջողության չեն հասնում, քանի որ կովի դուրս եկած Ջեյթունցիները որոշում են կովել մինչև արյան վերջին կաթիլը:

Մեր ունեցած տվյալների համաձայն թուրքական բանակը կոիվներում և ցրտի պատճառով ունեցել է 20 հազար զոհ և դեկտեմբերի վերջին տասնօրյակում բարոյական տեսակետից գտնվել է շատ ծանր դրության մեջ: Ուսումնասիրողները թուրքական բանակի թիվը հաշվում են ավելի շատ, քանի որ բանակին միացել էին Ջեյթունի շրջակայքի Անտերունի, Կոկիսունի թուրք և չերքեզ բնակիչները, որոնց նպատակը Ջեյթունը թալանելն էր: Կառավարությունը ցանկացավ Ջեյթունի դեմ ուղարկել Սուեթիայի լեռներում ապրող թաթերին, բայց նրանք չհամաձայնվեցին¹⁴:

Լեռնականների ապստամբության ժամանակ ոտքի ելան Դամասկոսի մոտ ապրող տյուրքիները, որոնք կովեցին թուրքերի դեմ: Թուրքական ուժերին հարկ եղավ շատ դժվարությունների գնով հպատակեցնել նրանց: Այդ նույն ժամանակ էր, որ ապստամբեցին նաև մակեդոնացիները¹⁵:

1895 թ. հոկտեմբերի վերջին տասնօրյակում թուրքական բանակը սկսեց իր նոր հարձակումը Ջեյթունի վրա: Բանակի 18 հրանոթներից նրանք սկսում են անխնա գնդակոծել քաղաքը: Սակայն լեռնականները դիմադրում են անասելի քաջությամբ: Թուրքական կառավարությունը ստիպված ետ է կանչում Ռեմզի փաշային և նրա փոխարեն նշանակում է էդհեմ փաշային: Վերջինս ցանկանում է առաջին իսկ օրերին հաջողություն ձեռք բերել, սակայն ոչ մի արդյունքի չի հասնում:

1896 թ. հունվարին գյուղաքաղաքի դրությունը գնալով վատանում է: Անընդհատ թնդանոթային ուժակոծումները, պարենի պակասը, հիվանդությունները սոսկալի դրություն են ստեղծում Ջեյթունում: Չնայած դրան լեռնականները կովում էին, և թուրքական բանակի հրամանատարությունը հույս չունեի գրավել գյուղաքաղաքը: Խտակալան հյուպատոս Հենրիկոս Վիթոն Ջեյթունի այդ օրերի վիճակի մասին իր գեսպանին հեռագրել է. «Ջեյթուն ապաստանած հազարավոր հայերի վիճակը սոսկալի է. աղքատության և հիվանդությունների պատճառով հարյուրավոր հիվանդներ, միմյանց վրա թափված, պառկած են մեռելների հետ միասին: Կանայք և երեխաներ նույնիսկ ցնցոտիներ չունեն, որ ծածկեն իրենց մեռելությունը: Երկրից դուրս ուղարկվածների մեջ շատերն ուժասպառությունից մեռան: Կառավարությունը անկարող է նրանց օգնել, և երկրի մեջ չկա ոչ ոք, որին կարելի լինի դիմել և նպաստ խնդրել»¹⁶:

Նոր հրամանատար նշանակելուց հետո թուրքական կառավարությունը կարծում էր, որ բանակը մի քանի օրում կգրավի Ջեյթունը, սակայն ապստամբները դիմադրում էին ավելի կատաղի կերպով: Այս ի նկատի ունենալով Սուլթան Համիդը համաձայնվում է, որ օտարերկրյա 6 հյուպատոսներ Ջեյթուն մեկնեն և սկսեն հաշտության բանակցություններ ապստամբների և կառավարության միջև: 1896 թ. հունվարին 6 տեղությունների հյուպատոսներ՝ ռուսականը (Միխայիլ Իվանովիչ Յակիմանսկին), ֆրանսիականը (Պարթենի), ավստրո-հունգարականը (Պարենենոն), գերմանականը (Ջոլինգեր), անգլիականը (Պարնհայմ), իտալականը (Հենրիկոս Վիթո) ժամանում են

14 «Անահիտ», 1902, № 8, էջ 182:

15 Նույն տեղում, 1903, № 4, էջ 70:

16 «Մշակ», 1896, № 135:

Զեյթուն: Սկսվում են բանակցությունները, որոնց զեյթունցիների կողմից մասնակցում են 12 հոգի: Զեյթունից բանակցություններին մասնակցողները առաջարկում են Լիբանանի ձևով մի վարչություն ունենալ ինչպես Զեյթունի, այնպես էլ շրջակա գյուղերի համար: Այս առաջարկությունը, սակայն, հենց սկզբից մերժվում է:

Մ. Ի. Յակիմանսկին Զեյթունի ավագանուն առաջարկում է պահանջել ռուսական հովանավորություն ընդունելու հարցը: Լեռնականները նրան հարգանքի տոնով ասում են, որ իրենք շատ են սիրում ռուսական կառավարությունը, որի ջանքերով բալկանյան ժողովուրդները ազատվեցին օսմանյան անտանելի լծից և դարձան առանձին պետություններ, սակայն չեն կարող առանց ընդհանուր հայ ազգի գիտակցության, վերջնական որոշում մը տալ»¹⁷:

Բանակցությունների ավարտից հետո կնքվեց 10 կետից բաղկացած մի պայմանագիր օսմանյան կառավարության ներկայացուցիչների և լեռնականների միջև, որի համաձայն ընդհանուր ներում էր շնորհվում բոլորին, այդ թվում հնչակյան 6 գործիչներին: Վերջիններս Կոստանդնուպոլսի դեսպանների հրաշխավորությամբ պետք է անվտանգ ուղարկվեին արտասահման: Թուրքական կառավարությունը իր վրա է վերցնում զորանոցի վերադարձը: Գրավված թնդանոթները և զենքերը պետք է վերադարձվեին: Զեյթունի նոր կայմակամը պետք է լիներ քրիստոնյա, իսկ օգնականը՝ թուրք:

Զեյթունցիների և այնտեղ ապաստանած գավառակի գյուղերի բնակիչների նախկին հարկերը չեղյալ էին հայտարարվում և նրանք 3 տարով ազատվում էին հարկերից: Զեյթունի ապստամբած բոլոր հայ գյուղացիները ապահով պետք է վերադառնային իրենց գյուղերը: Գյուղաքաղաքում մնալու էր մի վաշտ զորք, մնացածները 10 օրվա ընթացքում պետք է հեռանային այնտեղից: Զեյթունում ոստիկաններ նշանակելիս պետք է նախապատվությունը տրվեր հայերին: Եվ վերջապես, եվրոպական պետությունները Մարաշում պետք է ունենային իրենց ներկայացուցիչը, որը պետք է հետևեր կնքված պայմանագրի կենսագործմանը: Այս պայմանագիրը հաստատվեց սուլթանի կողմից և դրանով վերջ տրվեց ահեղ պատերազմին: Սակայն թուրքական կառավարությունը հենց սկզբից սկսեց չկատարել իր խոստումը Զեյթունում քրիստոնյա եայմակամ նշանակելու մասին, որի կապակցությամբ 1896 թ. մայիսին Կ. Պոլսում մի քանի անգամ հավաքվում են 6 դեսպաններ և առաջարկում Բ. Դուանը «Զեյթունում քրիստոնյա կայմակամ նշանակել»¹⁸:

Ժամանակի մամուլում հրապարակված հոդվածներից երևում է, որ սուլթանը չէր էլ մտածում այդ պայմանագրի կենսագործման մասին: Այդ օրերին «Մշակը» որում էր. «Ամբողջ 6 ամիս ձգձգելուց հետո սուլթանը վերջապես համաձայնվեց Զեյթունում քրիստոնյա նահանգապետ նշանակել: Այժմ հարց է ծագում, քանի՞ ամիս սրետք է սպասել, մինչև որ խոստացված քրիստոնյա նահանգապետը նշանակվի, քանի՞ ամիս պետք է սպասել, որ նա Կ. Պոլսից Զեյթուն անաչի և վերջապես քանի՞ օր նա պետք է մնա իր պաշտոնի մեջ»¹⁹:

Պայմանագիրը ստորագրելուց որոշ ժամանակ անց բոլոր հյուպատոսները մեկնում են Զեյթունից բացի իտալական հյուպատոս Հենրիկոս Վիթոլից (1830—1904), որը մի քանի ամիս մնում է այնտեղ, և ապա գրի է առնում այդ ժամանակաշրջանի բոլոր իրադարձությունները: Նրան այդ գործում օգնում է Հ. Ահարոնյանը: Եղած նյութերը հաճրնցի Հ. Քելեչյանը թարգմանում է թուրքերենի և հանձնում հյուպատոսին:

Զեյթունի դ հեռանալուց հետո հյուպատոսը զրեղ և 1897 թ. Ֆրորենցիայում Անատոլիո կաթինո ծածկամվամբ հրատարակեց «Շալեյեր և Զեյթունը»

17 Զեյթունի պայմանագիրը, էջ 623:

18 «Մշակ», 1896, № 53:

19 Նույն տեղում, 1896, № 69:

(„Gli Armeni e Zeitun“) 700 էջանոց, երկու մասից բաղկացած իր աշխատությունը, որի մի մասի թարգմանությունից երևում է, որ նա տարիներ շարունակ զբաղվել է հայոց պատմության ուսումնասիրությամբ և նրա գրքի 400 էջը հայ ժողովրդի պատմությունն է սկսած Ուրարտուից մինչև XIX դարի երկրորդ քառորդը: Գրքի տիտղոսաթերթի վրա գրված է, որ այն հանդիսանում է «մի կեզեքված ժողովրդի պատմություն»: Գրքում շարադրված է նաև Կիլիկիայի հայկական պետության պատմությունը: Աշխատության երկրորդ մասը կոչվում է «Զեյթուն», որի մեջ կան շատ էջեր Այնթափի, Մարաշի և Զեյթունի մասին: Կան վիճակագրական տվյալներ այդ վայրերի ազգային կազմի վերաբերյալ, կան Զեյթունի համայնապատկերի հիանալի նկարը, հնչակյան 4 ղեկավարների նկարները, մեծ քանակությամբ ժողովրդական երգեր և բանաստեղծություններ, որոնց թվում Պիրիտ լեռան մասին եղած տաղը, «Կեցցե Զեյթուն, ապրի Զեյթուն» երգը և այլն:

Պահպանված տեղեկությունների համաձայն Հենրիկոս Վիթոն գլխավորել է Զեյթունի հարցի մասին եղած նիստերը, որին մասնակցում էին 6 հյուպատոսներ, Զեյթունի հայ ավագանու և թուրքերի ներկայացուցիչները:

Հենրիկոս Վիթոն երկար տարիներ ապրել է Հալեպում, շփվել է հայ լեռնականների հետ և ջերմ սիրով սիրել է նրանց: Տեղեկություն ունենալով, որ հյուպատոսը «այդ պատմական օրերին իբրև հիշատակ գուրգուրանոք իր մոտ պահած է Զեյթունի զորանոցի վրա ծածանած ու թուրքական գնդակներեն ծակծկված հայկական դրոշակը, Աղասիի ձեռագիր նամակը և անոր կողմից թուրք զինվորներու տված ու հայերեն լեզվով գրված անցագրերներն ունենք և այլ թանկարժեք իրեր, որոնք հպարտությամբ ցույց տված է իր այցելողներուն»²⁰:

Իր գրքում Հ. Վիթոն զեյթունցիների պայքարի մասին թողել է հետևյալ տողերը. «Ողջուն քեզ, Զեյթուն, դուցազն քաղաք: Որչափ արևը փայլի մարդկային դժբախտությանց վրա, քու անունդ պիտի ապրի իբրև խորհրդանշան տառապող ժողովուրդներու ռարթումի շփոթը անոնց ապագա պատերազմիկներու, ի պաշտպանություն իրենց ընտանեական սրբությունց»²¹: Նա գրել է, որ ով չգիտե հայոց պատմությունը և չգիտե Հայկական հարցի մասին, չի կարող լրիվ ըմբռնել այդ հերոսական քաղաքի գործադրած ջանքերը: Իր գիրքը գրելիս նա կարդացել է շատ հոգվածներ, որոնք տպագրված են եղել ժամանակի մամուլում, ուսումնասիրել է հայ ժողովրդի պատմությունը: Ցավոք այս հիանալի դիրքը մինչև այսօր չի թարգմանված հայերեն, որի մեջ ազատության ջատագով հեղինակը դրվատանքի հիանալի խոսքեր է գրել օսմանյան տիրապետության տակ գտնվող ժողովուրդների, որոնց թվում նաև հայ ժողովրդի մասին:

Զեյթունի հարցով շատ ջանքեր է թափել Հալեպի ոռոսական դեսպան Միխայիլ Իվանովիչ Յակիմանսկին, որը 1883 թ. մինչև 1888 թ. եղել էր Դիարբեքի, իսկ դրանից հետո, մինչև 1898 թ.՝ Հալեպի ոռոսական կոնսուլը: Այդ երկար ու ձիգ տարիների ընթացքում շատ մոտիկից շփվելով հայ ժողովրդի զանազան խավերի հետ, նա լավ գիտեր, թե ինչ ծանր վիճակում է գտնվում այդ ժողովուրդը օսմանյան բռնապետության մեջ: Այդ մասին են վկայում նրա մի շարք զեկուցագրերը իր վերադասին, որոնք գտնվում են Ռուսաստանի արտաքին քաղաքականության արխիվում: Կոստանդնուպոլսի դեսպանին ուղղված իր զեկուցագրերում նա բերում է մանրամասն տվյալներ Ուրֆայի, Այնթափի, Բիրիֆիկի, Մարաշի և այլ վայրերի հայերի կոտորածի մասին: Ըստ իր տվյալների 1895 թ. նոյեմբերի 15-ից 17-ը Ուրֆայում սպանվեցին և այրվեցին ավելի քան 10000 քրիստոնյաներ²²: Ըստ նրա

²⁰ Զեյթունի պատմագիրք, էջ 795:

²¹ Տ. Գևորգյան. Սանտոս, էջ 34:

²² АВПР, ф. П-во в Константинополе, д. 1142, л. 5.

մի զեկուցագրի հունվարի 14-ից 16-ը ընկած ժամանակամիջոցում Մ. Ի. Յակիմանսկին Մարաշից դնում է Զեյթուն։ Ամսի 16-ին նա Զեյթունում էր։ Այստեղ նա հանդիպում է շատերի, որոնց թվում նաև Աղասու հետ, որի մասին իր զեկուցագրերից մեկում գրում է։ «Աղասի—հայ, շիկահեր, արտաքինից բավական համակրելի, 25 տարեկան, պատանեկական ավյունով և էնտուզիազմով նվիրված է հայկական իդեալներին, Լոնդոնի «Հնչակ» կոմիտեի անդամ, քաջ, գերազանց հրաձիգ, զեյթունցիների մոտ կարողացել է իր նկատմամբ հավատարմություն ձեռք բերել, որպես հայրենասեր պատրաստ է մեռնել հայրենիքի պաշտպանության համար։ Ծղել է Եվրոպայում, կարողանում է խոսել և գրել ֆրանսերեն և թուրքերեն»²³։

Պայմանագիրը կնքելուց հետո թուրքական ղորքերը, ինչպես նաև հյուպատոսները հեռացան Զեյթունից։

Մի քանի խոսք Հնչակյան կուսակցության կողմից 1895 թ. ապստամբությունը ղեկավարելու մասին։ Զեյթունի հնչակյան 6 գործիչները Աղասու գլխավորությամբ իրենց պրոպագանդայով արագացրին, կազմակերպված բնույթ տվեցին ինքնապաշտպանական կռիվներին։ Ի դեպ, Հնչակյան կուսակցության Լոնդոնի կոմիտեն Ավ. Նազարբեկի գլխավորությամբ կազմել էր մի ծրագիր, ըստ որի ապստամբությունը պետք է ընդգրկեր ոչ միայն Զեյթունը, այլ ամբողջ Կիլիկիան։ Այդ ծրագրի նպատակն էր ոտքի հանել Կիլիկիայի հայ բնակիչներին և ապա եվրոպական պետությունների և Ռուսաստանի առջև դնել Հայկական հարցը²⁴։

Հետաքրքիր է նկատել, որ Աղասին Զեյթունի ապստամբությունը սկսելուց առաջ Արեգին գյուղի Մութ Ձորում տեղի ունեցած ժողովում Անգլիայի վարչապետ Գլադստոնի անունից խոստում է անում հավաքված զեյթունցիներին։ Նա հաստատապես պնդում է, որ ապստամբությունը սկսելուց հետո անգլիական նավերը կլինեն Մերսինում և այնտեղից «կը հսկեն որպեսզի Կիլիկիո հայությունը ազատ մնա կոտորածից»²⁵։

Լեռնականներից Արթին աղան և նրա հետ շատերը բոլորովին չեն հավատացել, որ անգլիացիները խոստացել են իրենց օգնել։ Այդ կապակցությամբ Արթինը ասել է. «Կլաթստունը պատվո խոսք տված է օգնելու, եթե իրականություն է, եթե անկեղծ է, Հայաստանի լեռներն ու ձորերը հայ արյունով ներկել թող չիտային, ինչպե՞ս կըլլա, որ անոնց չեն օգներ և մեզի օգնելու խոստում կընեն, անոնք Կիլիկիո հայությունն ալ պետք է փճացնեն, որ հայ ազգին Հայաստան մը ունենալու դատը թաղվի հայուն հետ, որպեսզի երբ օր մը Թուրքիո հողը բաժնելու ըլլան մեջներին ուրիշ ժառանգորդ մը երևան չիգա»²⁶։

Ճիշտ էր պարզամիտ և նահապետական լեռնցին։ Հայտնի է, որ զեյթունցիները մի քանի ամիս շարունակ կռվեցին թուրքական բանակների դեմ, սակայն եվրոպական ոչ մի պետությունից օգնություն չստացան։

²³ Նույն տեղում, գ. 224, թ. 56։

²⁴ Զ. Պ. Պողոսյան. Հաճընի ընդհանուր պատմությունը և շրջակա Գողանտացի հայ գյուղերը. Լոս Անճելըս, Փալիֆորնիա, 1942, էջ 556։

²⁵ Զեյթունի պատմագիրք, էջ 509։

²⁶ Նույն տեղում, էջ 510։